



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 99. Lavateri, & Gualteri interitus.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI. edita, præcipue concinnabat Evange-
A.C. 1586. liorum Harmoniam, & examen doctri-
 næ Concilii Tridentini. Tandem die
 octava Aprilis Brunsvici, ubi per tri-
 ginta annos literas tradiderat, anno
 ætatis suæ sexagesimo quarto periit.

§. XCIX.

Lavateri, & Gualteri interitus.

Thu. l. c.
Verbeihen.
élog. præst.
Theol.
p. 201.

Alius etiam Scriptor ex Protestantium
 schola eodem hoc anno animam
 evomuisse dicitur. Is erat Ludovicus
 Lavaterus Tiguri natus, qui linguarum
 peritia clarus magnum sibi nomen inter
 suæ sectæ fautores comparabat. Du-
 xerat is Filiam Henrici Bullingeri, cu-
 jus etiam opera edidit, illiusque, ac
 Conradi Pelicani vitæ historias conscri-
 psit: insuper posteris reliquit quædam
 opuscula dogmatica, atque inter alia
historiam de origine, & progressu contro-
versie sacramentariæ circa Cœnam Domi-
ni, necnon tractatum de spectris, præ-
 ter plures alios libellos, quibus se com-
 mendatam reddidit, tandemque obiit
 hoc anno die decima quinta Julii.

Eodem hoc anno Domini millesimo
 quingentesimo octogesimo sexto morte
 extinctus periit Rudolphus Gualterus
 itidem Tigurinus, illiusque Ecclesie
 Pastor, ac Josiæ Simleri socer, qui
 Zwinglii Filie desponsatus in sua Patria
 Decla-

Declamatoris officio ab anno salutis nostræ millesimo quingentesimo quadragesimo secundo usque ad annum millesimum quingentesimum septuagesimum quintum fungebatur, ac Bullingero succedebat, nominatus primus præfatæ Ecclesiæ Protestanticæ Ministellus. Hic præter suas Homilias, ad quas confarcinandas aptus videbatur, commentarios scripsit in Psalmos, Isaiam, duodecim Prophetas minores, tres primos Evangelistas, actus Apostolorum, & in epistolam ad Romanos: præterea Theodoreti sermones de Providentia latine reddidit præter alia Historica, & liberalium artium opuscula.

Sæcul. XVI.
A. C. 1586.

§. C.

Galeatii Caraccioli a vera fide defectio, ejusque Genevam secessus, ac mors.

Pariter hoc anno Genevenses quemdam *Thm. l. 84.*
 lugebant nobilem natione Italum, *Spon. hist. de Genev. tom. 2. l. 3. p. 52.*
 qui relictis suis bonis, & patria hæreticam pravitatem amplexurus Genevam *Leti hist. de Genev.*
 secessit. Is erat Galeatius Caracciolus
 Vici in Neapolis Regno Marchio, ac Filius Nicolai Antonii Caraccioli, qui in Italiæ bellis animi fortitudine conspicuus Matrem habebat, quæ Joannis Petri Caraffæ Cardinalis, ac postea
Hist. Eccles. Tom. L. Ff sum-